

სახელმწიფო შესყიდვის შესახებ ხელშეკრულების პროექტი

ხელშეკრულება სახელმწიფო შესყიდვის შესახებ

ბორჯომი

----- 2018 წელი

ერთის მხრივ **თვითმმართველი ერთეული ბორჯომის მუნიციპალიტეტი**, მისამართი: ბორჯომი, მესხეთის ქ. #5, საიდენტიფიკაციო კოდი: 226161961 (შემდგომში „შემსყიდველი“), წარმოდგენილი მერის ლევან ლიპარტიას სახით და მეორეს მხრივ **შპს „-----“** მისამართი: ქ. -----, ----- ქ.#---, საიდენტიფიკაციო კოდი: ----- (შემდგომში „მიმწოდებელი“), წარმოდგენილი დირექტორის ----- სახით ვხელმძღვანელობთ რა „სახელმწიფო შესყიდვების შესახებ“ საქართველოს კანონის მე-16¹ და 21-ე მუხლებით და „ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2017 წლის 14 ივნისის #12 ბრძანების 33-ე მუხლით და მიმწოდებლის მიერ წარმოდგენილი სატენდერო წინადადებით, ვდებთ წინამდებარე სახელმწიფო შესყიდვების შესახებ ხელშეკრულებას შემდეგზე:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1 „ხელშეკრულება სახელმწიფო შესყიდვის შესახებ“ (შემდგომ – „ხელშეკრულება“) – შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2 „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.3 „შემსყიდველი ორგანიზაცია“ (შემდგომ „შემსყიდველი“) ნიშნავს ორგანიზაციას (დანესებულებას), რომელიც ახორციელებს შესყიდვას;
- 1.4 „მიმწოდებელ“ ნიშნავს პირს, რომელმაც მოიპოვა გამარჯვება ტენდერში და ასრულებს სამუშაოებს სახელმწიფო შესყიდვის შესახებ მოცემული ხელშეკრულების ფარგლებში;
- 1.5 „დღე“ „კვირა“, „თვე“ ნიშნავს კალენდარულ დღეს, კვირას, თვეს.
- 1.6 „სამუშაოს შესრულება“ ხელშეკრულების მე-2 მუხლით გათვალისწინებული ხელშეკრულების საგანი.
- 1.7 „ტექნიკური დავალება“ - NAT ----- ელექტრონული ტენდერის სატენდერო დოკუმენტაციის ტექნიკური დავალება.
- 1.8 „ტექნიკური დოკუმენტაცია“ - მიმწოდებლის მიერ NAT ----- ელექტრონულ ტენდერში სატენდერო წინადადებით წარმოდგენილი ტექნიკური დოკუმენტაცია, რომელიც ერთვის ხელშეკრულებას, როგორც მისი განუყოფელი ნაწილი.

2. ხელშეკრულების საგანი

- 2.1 შემსყიდველმა გამოაცხადა ელექტრონული ტენდერი (NAT -----) დაბა ახალდაბაში წერეთლის ქუჩის, ყაზბეგის ქუჩის და სოფელ რველში ე.წ „ბანიხევში“ საავტომობილო გზის რეაბილიტაცია შესყიდვის მიზნით და მიიღო წინადადება მიმწოდებლის აღნიშნული სამუშაოების შესრულებაზე, შემდეგ თანხაზე: --- (-----) ლარი და 00 თეთრი დღგ-ს გათვალისწინებით.
- 2.2 შესყიდვის კატეგორია: CPV45233210, CPV45233251;
- 2.3 ხელშეკრულებით გათვალისწინებული სამუშაოების აღწერა მოცემულია ტექნიკურ დოკუმენტაციაში და პრეტენდენტის მიერ წარმოდგენილ ტექნიკურ დავალებაში, წარმოდგენს ხელშეკრულების განუყოფელ ნაწილს.

3. ხელშეკრულების ღირებულება

- 3.1 შესასრულებელი სამუშაოების ჯამური ღირებულება შეადგენს _____ ლარს დამატებული ღირებულების გადასახადის გათვალისწინებით.

3.2 ხელშეკრულების საერთო ღირებულება მოიცავს ხელშეკრულებით გათვალისწინებული სამუშაოების შესრულებასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ გადასახადებს.

4. ხელშეკრულების შესრულების კონტროლი

4.1 შემსყიდველს ან მის წარმომადგენელს უფლება აქვთ ხელშეკრულების შესრულების ნებისმიერ ეტაპზე განახორციელოს კონტროლი მიმწოდებლის მიერ ნაკისრი ვალდებულებების შესრულებაზე, რათა დარწმუნდეს რომ სამუშაოების მიმდინარეობს კალენდარული გრაფიკის, საპროექტო დოკუმენტაციით განსაზღვრული პირობების და საქართველოში მოწმედი ყველა საჭირო სამშენებლო ნორმების, სტანდარტების და წესების შესაბამისად, აგრეთვე მიმწოდებლი მიერ ხელშეკრულებით ნაკისრ ვალდებულებების შესრულებაზე, რომელთა დარღვევის შემთხვევაში იგი უფლებამოსილია შეაჩეროს სამუშაოები.

4.2. შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ წერილობით აცნობებს მიმწოდებელს დაწუნებული სამუშაოების და წუნდების მიზეზების მითითებით;

4.3. მიმწოდებელი ვალდებულია საკუთარი ხარჯით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა.

4.4 ხელშეკრულების ინსპექტირებას შემსყიდველის მხრიდან განახორციელებს შპს „ქრიზოლითი+“ 2017 წლის 22 აგვისტოს გაფორმებული #160/265 ხელშეკრულების საფუძველზე.

5. სამუშაოს შესრულების პირობები

5.1 სამუშაოს შესრულება ხორციელდება ხელშეკრულების ხელმოწერის დღიდან 90 (ოთხმოცდაათი) დღის ვადაში. თუ სამუშაოს დასრულების ვადა დაემთხვევა დასვენების დღეს მიწოდების ვადად განისაზღვრება მომდევნო სამუშაო დღე.

5.2 მიმწოდებელმა სამუშაოების შესრულება უნდა დაიწყოს არაუგვიანეს ხელშეკრულების გაფორმებიდან 5 (ხუთი) კალენდარული დღის ვადაში.

5.3 მიმწოდებელი ვალდებულია ხელშეკრულების გაფორმებიდან 5 (ხუთი) სამუშაო დღის ვადაში შეათანხმოს ზედამხედველთან და წარმომადგენლის შემსყიდველთან სამუშაოების შესრულების კალენდარული გეგმა-გრაფიკი. შემსყიდველისთვის წარდგენილი გეგმა-გრაფიკით განსაზღვრული ვადები უნდა შეესაბამებოდეს ხელშეკრულებით განსაზღვრულ სამუშაოს შესრულების ვადას.

5.4 ხელშეკრულების დამდებ არც ერთ მხარეს არა აქვს უფლება შეიტანოს გრაფიკში ცვლილებები მეორე მხარესთან შეთანხმების გარეშე.

5.5 ხელშეკრულების გაფორმების შემდეგ გონივრულ ვადაში მიმწოდებელმა უნდა წარმომადგენლის წერილობით ტენდერით გათვალისწინებულ სამუშაოებზე პასუხისმგებელი პირის (სამუშაოს მწარმოებელი) ვინაობა (სახელი, გვარი, პირადი ნომერი, მისამართი, საკონტაქტო მონაცემები).

6. შესყიდვის ობიექტის მიღება-ჩაბარების წესი

6.1 შესყიდვის ობიექტის მიღება-ჩაბარება შესაძლებელია განხორციელდეს ეტაპობრივად (არანაკლებ თვეში ერთხელ), შესრულებული სამუშაოების შესაბამისად.

6.2 შესყიდვის ობიექტზე შესასრულებელი სამუშაოების ეტაპების დასრულების შესახებ შპს „ქრიზოლითი+“-ის წერილობითი შეტყობინების და დამოწმებული ფორმა #2-ის (შესრულებული სამუშაოების აქტი) საფუძველზე, მუნიციპალიტეტის არქიტექტურისა და მშენებლობაზე ზედამხედველობის განყოფილება ახდენს ობიექტისა და შესრულებული სამუშაოების შემოწმებას, გამოვლენილი ხარვეზების დაფიქსირებას და ადგენს ვადას მიმწოდებლის მიერ ამ ხარვეზების აღმოსაფხვრელად, რაც ფორმდება შესაბამისი აქტით.

6.3 შესყიდვის ობიექტზე სამუშაოების დასრულებით და ხარვეზების აღმოსაფხვრელად საჭირო ვადის გასვლის შემდეგ, არქიტექტურისა და მშენებლობაზე ზედამხედველობის განყოფილება ახდენს შესრულებული სამუშაოების მიღება - ჩაბარებას.

6.5 საბოლოო მიღება-ჩაბარებისათვის მიმწოდებელმა უნდა წარმოუდგინოს შემსყიდველს სსიპ „ლევან სამხარაულის სახელობის სასამართლო ექსპერტიზის ეროვნული ბიურო“-ს ან აკრედიტირებული პირის მიერ გაცემული დადებითი დასკვნა.

7. ექსპერტიზის დასკვნა შესრულებულ სამუშაოებზე:

7.1 მიმწოდებელი ვალდებულია სამუშაოების დასრულების შემდეგ, საკუთარი სახსრებით უზრუნველყოს:

ა) სამუშაოს შესრულების პროცესში გამოყენებული სამშენებლო მასალების (ასფალტის საფარის შემთხვევაში - საფარის სისქე, ტკეპნის და ფორიანობის კოეფიციენტი. რკინა ბეტონის შემთხვევაში ბეტონის კუბების გამოცდის შედეგები, ბეტონის მარკირება, არმატურის სერთიფიკატები) ხარისხის საქართველოში მოქმედ ნორმებთან და სტანდარტებთან შესაბამისობაზე აკრედიტირებული ლაბორატორიის დასკვნა (ლაბორატორიის აკრედიტაცია უნდა დასტურდებოდეს შესაბამისი სერთიფიკატით და აკრედიტაციის სფერო უნდა მოიცავდეს მოთხოვნილ მომსახურებას);

ბ) სსიპ „ლევან სამხარაულის სახელობის სასამართლო ექსპერტიზის ეროვნული ბიურო“-ს ან სხვა აკრედიტირებული პირის მიერ გაცემული დადებითი საექსპერტო დასკვნა შესრულებული სამუშაოს ფასზე, ხარისხზე და მოცულობაზე. (აკრედიტირებული პირის მიერ გაცემულ დასკვნასთან ერთად წარმოდგენილ უნდა იქნას დასკვნის გამცემი პირის აკრედიტაციის დამადასტურებელი დოკუმენტის ასლი);

გ) მიმწოდებელმა უნდა მოახდინოს შემსყიდველის ინფორმირება შესყიდვის ობიექტზე ექსპერტიზის დანიშვნის შესახებ და ექსპერტის მიერ ობიექტის დათვალიერება, ნიმუშების აღება ე.წ. „ამოჭრა“ უნდა მოხდეს შემსყიდველის და ზედამხედველი ორგანიზაციის წარმომადგენლის თანდასწრებით, ამ პუნქტის მოთხოვნების დაცვის გარეშე წარმოდგენილი საექსპერტო დასკვნა არ მიიღება;

დ) მიმწოდებელმა ექსპერტიზის დასკვნა შესრულებულ სამუშაოებზე უნდა წარმოადგინოს სამუშაოების დასრულების დადასტურების დღიდან არაუგვიანეს 30 (ოცდაათი) კალენდარული დღის ვადაში.

8. გარანტია

8.1 შესრულებული სამუშაოს ხარისხის საგარანტიო ვადად განისაზღვროს საბოლოო მიღება-ჩაბარების აქტის გაფორმებიდან 3 (სამი) წელი.

8.2 სამუშაოების დასრულების შემდეგ საგარანტიო ვადის განმავლობაში ექსპლუატაციის პროცესში რაიმე წუნის (ნაკლოვანებები, დეფექტი) აღმოჩენის შემთხვევაში, მიმწოდებელი ვალდებულია აღმოფხვრას ეს დეფექტი საკუთარი ხარჯებით.

8.3 სამუშაოს ხარისხის დაცვის მიზნით, შემსყიდველის მიერ სამუშაოების მიმდინარეობის დროს დაკავებული შესრულებული სამუშაოების ღირებულების 3%-ის ანაზღაურება მოხდება სამუშაოს დასრულებიდან 1 (ერთი) წლის შემდეგ შემსყიდველის მიერ, როდესაც შემსყიდველი ორგანიზაცია დაამოწმებს, რომ მის მიერ ყველა მითითებული დეფექტი (ასეთის არსებობის შემთხვევაში) აღმოფხვრილია მიმწოდებლის მიერ.

8.4 მიმწოდებლის მიერ ამ ვალდებულების შეუსრულებლობის შემთხვევაში შემსყიდველს უფლება აქვს თვითონ მიიღოს ზომები წარმოქმნილი დეფექტების გამოსწორებისათვის და მოსთხოვოს მიმწოდებელს შესაბამისი ხარჯების ანაზღაურება მოქმედი კანონმდებლობის შესაბამისად.

9. ხელშეკრულების შესრულების უზრუნველყოფის გარანტია

9.1 მიმწოდებლის მიერ წარმოადგენილი ხელშეკრულების უზრუნველყოფის საბანკო გარანტია #_____ (სახელშეკრულებო ღირებულების —%-ის, —ლარის და — თეთრის ოდენობით) ძალაშია 201- წლის _____.

9.2 ხელშეკრულების შეწყვეტის შემთხვევაში მიმწოდებელს ხელშეკრულების შესრულების უზრუნველყოფის საბანკო გარანტია ჩამოერთმევა სრულად შემსყიდველის სასარგებლოდ;

9.3 ხელშეკრულების შესრულების უზრუნველყოფის საბანკო გარანტია გამოიყენება ნებისმიერი ზარალის ანაზღაურების მიზნით, რომელიც მიადგება შემსყიდველს მიმწოდებლის მიერ ხელშეკრულების პირობების შეუსრულებლობის ან არასათანადოდ შესრულების გამო;

9.4 იმ შემთხვევაში, თუ მიმწოდებელი უზრუნველყოფს ხელშეკრულებით ნაკისრი ვალდებულებების სრულად და ჯეროვნად შესრულებას ან ხელშეკრულების მოქმედება შეწყდება მიმწოდებლისაგან დამოუკიდებელი მიზეზებით, შემსყიდველი ვალდებულია უზრუნველყოს გარანტიის დაუყოვნებლივ დაბრუნება;

10. ანგარიშსწორება და ვალუტა

10.1 ანგარიშსწორება მოხდება უნაღდო ანგარიშსწორების ფორმით ეროვნულ ვალუტაში - ლარში.

10.2 ანგარიშსწორება განხორციელდება ეტაპობრივად აღნიშნული სამუშაოების შესრულებისათვის თვითმმართველი ერთეულის ადგილობრივი ბიუჯეტიდან ---% და სახელმწიფო ბიუჯეტიდან ---% მიზნობრივად გამოყოფილი თანხების შესაბამისად, რისთვისაც მიმწოდებელმა უნდა წარმოადგინოს საქართველოს

კანონმდებლობით გათვალისწინებული შესაბამისი დოკუმენტაცია. წინააღმდეგ შემთხვევაში, შემსყიდველს უფლება აქვს უარი თქვას ანგარიშსწორებაზე.

10.3 მიმწოდებელთან შუალედური ანგარიშსწორება განხორციელდება ეტაპობრივად ფაქტიურად შესრულებული სამუშაოების მიხედვით შუალედური მიღება-ჩაბარების აქტის, ფაქტიურად შესრულებული სამუშაოების აქტის (ფორმა №2-ს) და საგადასახადო დოკუმენტაციის წარმოდგენიდან 10 სამუშაო დღის განმავლობაში.

10.4 იმ შემთხვევაში, თუ ამ ხელშეკრულების მე-17 მუხლით გათვალისწინებული წესით საჯარიმო სანქციის გამოყენებასთან დაკავშირებით შეტყობინებიდან 5 (ხუთი) კალენდარულ დღეში მიმწოდებლის მიერ არ იქნა წარმოდგენილი საჯარიმო სანქციით დაკისრებული თანხის გადახდის დამადასტურებელი დოკუმენტი, მიმწოდებელი თანახმაა მიღება ჩაბარების აქტით განსაზღვრული შესრულებული სამუშაოს ღირებულების ანაზღაურებამდე, ხელშეკრულების პირობების დარღვევის გამო საჯარიმო სანქციით დაკისრებული თანხა შემსყიდველის მიერ მიმართულ იქნეს ბიუჯეტის ერთიან ანგარიშზე, რის შემდეგაც მომწოდებელს ჩაერიცხება დარჩენილი თანხა.

10.5 სამუშაოს ხარისხის დაცვის მიზნით, შემსყიდველის მიერ სამუშაოების ეტაპების მიღება-ჩაბარებისას დაკავებული იქნება შესრულებული სამუშაოების ღირებულების 10%, რომლის დაბრუნება მოხდება ორ ეტაპად, კერძოდ:

10.5.1 პირველი ეტაპი - 7 % დაბრუნება მოხდება სსიპ ლევან სამხარაულის სახელობის სასამართლო ექსპერტიზის ეროვნული ბიუროს ან სხვა აკრედიტებული პირის მიერ გაცემული ექსპერტიზის დადებითი დასკვნის წარმოდგენის და ობიექტის საბოლოო მიღება ჩაბარების აქტის შემდეგ;

10.5.2 მეორე ეტაპი - 3 % დაბრუნება მოხდება ობიექტის სამუშაოების დასრულებიდან 1 (ერთი) წლის შემდეგ, რა დროსაც გაფორმდება შესრულებული სამუშაოს საბოლოო მიღება-ჩაბარების აქტი ზედამხედველის მიერ გაცემული დასკვნის საფუძველზე. იმ შემთხვევაში, თუ ზედამხედველის მიერ დაფიქსირებული იქნება შესრულებული სამუშაოს ნაკლი ან უხარისხობა, მიმწოდებელს აღნიშნული თანხა არ აუნაზღაურდება დეფექტების გამოსწორებამდე.

11. ფასები

11.1 შემსყიდველის მიერ ხელშეკრულებაში მითითებული ფასები არ უნდა აღემატებოდეს მიმწოდებლის მიერ სატენდერო წინადადებაში მითითებულ ფასებს.

11.2 ფასებში ასახული უნდა იყოს საქართველოს კანონმდებლობით გათვალისწინებული ყველა გადასახადი, ხარჯები, რომლებიც სატენდერო წინადადების ფასში არ იქნება გათვალისწინებული არ დაეჭვებდებარება ანაზღაურებას.

11.3 ხელშეკრულების ღირებულების პარამეტრის შეცვლა ხელშეკრულების მოქმედების მთელი პერიოდის განმავლობაში დაუშვებელია, თუკი ამ ცვლილების შედეგად იზრდება ხელშეკრულების ჯამური ღირებულება ან შემსყიდველისათვის უარესდება ხელშეკრულების პირობები.

11.4 საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

12. ხელშეკრულებაში ცვლილებების შეტანა

12.1. არავითარი გადახრა ან ცვლილება ხელშეკრულების პირობებში არ დაიშვება, ორივე მხარის მიერ ხელმოწერილი წერილობითი შესწორებების გარდა.

12.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

12.3 ხელშეკრულების პირობების ნებისმიერი ცვლილება უნდა გაფორმდეს წერილობითი ფორმით ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

13. უფლებების გადაცემა

13.1. მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მოცემული ხელშეკრულებით არსებული თავისი ვალდებულებები.

14. ქვეკონტრაქტორები

14.1 ხელშეკრულების გაფორმების შემდგომ მიმწოდებელმა წერილობით უნდა აცნობოს შემსყიდველს ქვეკონტრაქტორ(ებ)ის აყვანის შესახებ (ქვეკონტრაქტორ(ებ)ის აყვანის აუცილებლობის მიზეზების დასაბუთებით). ქვეკონტრაქტორ(ებ)ის დასაშვებობის საკითხს წყვეტს შემსყიდველი და მიმწოდებელი ერთობლივი მოლაპარაკებების საფუძველზე, რომელიც გაფორმდება წერილობითი ფორმით.

14.2 იმ შემთხვევაში, თუ ქვეკონტრაქტის დადების ან ქვეკონტრაქტორის შეცვლის აუცილებლობა წარმოიშობა ხელშეკრულების შესრულების პროცესში, მიმწოდებელმა წერილობით უნდა აცნობოს შემსყიდველს ზემოაღნიშნულის შესახებ და მიიღოს მისგან წერილობითი თანხმობა.

14.3 ქვეკონტრაქტორზე მიმწოდებელმა უნდა წარმოადგინოს შემდეგი სახის ინფორმაცია:

14.3.1 სარეგისტრაციო /უფლებრივი მონაცემები ამსახველი დოკუმენტები სატენდერო დოკუმენტაციის კითხვარის მე-5 მუხლის შესაბამისად (ცნობები განახლებული უნდა იყოს წარმოდგენიდან არაუადრეს 5 სამუშაო დღისა);

14.3.2 ქვეკონტრაქტორთან გაფორმებული ხელშეკრულების ასლი;

14.3.3 ქვეკონტრაქტორის მიერ შესასრულებელი სამუშაოს ხარჯთაღრიცხვა.

14.4 ქვეკონტრაქტორი კომპანია არ უნდა იყოს რეგისტრირებული სახელმწიფო შესყიდვებში მონაწილე არაკეთილსინდისიერ პირთა რეესტრში - „შავ სიაში“.

14.5 ქვეკონტრაქტორის მიერ შესასრულებელი სამუშაოების ჯამური მოცულობა არ უნდა აღემატებოდეს შესასრულებელი სამუშაოების მთლიანი მოცულობის 40%-ს.

14.6 ამ ხელშეკრულების ფარგლებში დადებული არც ერთი ქვეკონტრაქტი არ ათავისუფლებს მიმწოდებელს ხელშეკრულებით ნაკისრი ვალდებულებებისაგან.

15. ხელშეკრულების შესრულების შეფერხება

15.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, შესაბამისმა მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

15.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

16 მხარეთა უფლება-მოვალეობები

16.1. შემსყიდველი უფლებამოსილია:

– სამუშაოს დასრულებამდე ნებისმიერ დროს მოითხოვოს მიმწოდებლისგან მისთვის საჭირო ინფორმაცია.

16.2 შემსყიდველი ვალდებულია:

– უზრუნველყოს მიმწოდებლის მიერ შესრულებული სამუშაოს ანაზღაურება ხელშეკრულებით გათვალისწინებული ვადების და პირობების დაცვით.

16.3 მიმწოდებელი უფლებამოსილია მოსთხოვოს შემსყიდველს შესრულებული სამუშაოს ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

16.4 მიმწოდებელი ვალდებულია დროულად და კეთილსინდისიერად შეასრულოს ხელშეკრულებით ნაკისრი ვალდებულებები.

17. ხელშეკრულების პირობების შეუსრულებლობა

17.1 ფორს-მაჟორული პირობების გარდა, ხელშეკრულების დამდები მხარეების მიერ ხელშეკრულების პირობების შეუსრულებლობის, არაჭეროვნად შესრულების ან/და დაგვიანებით შესრულების შემთხვევაში გამოიყენება საჯარიმო სანქციები.

17.2 სამუშაოების დაწყების 5 (ხუთი) კალენდარულ დღეზე მეტი ვადით გადაცილების შემთხვევაში მიმწოდებელს დაეკისრება საჯარიმო სანქცია ხელშეკრულების ღირებულების 0,3%-ის ოდენობით.

17.3 ინსპექტირებისას სამუშაოთა წარმოების კალენდარული გეგმა-გრაფიკის ვადების დარღვევის დაფიქსირების შემთხვევაში, მიმწოდებელს დაეკისრება ჯარიმის გადახდა ყოველ ჯერზე ხელშეკრულების ღირებულების 0,3%-ის ოდენობით.

17.4 სამუშაოს შესრულების ვადის დარღვევის შემთხვევაში, მიმწოდებელს დაეკისრება პირგასამტეხლო ხელშეკრულების ღირებულების 0,3%-ის ოდენობით ყოველ ვადაგადაცილებულ დღეზე.

17.5 ხელშეკრულების შეწყვეტის შემთხვევაში მიმწოდებელს ხელშეკრულების შესრულების უზრუნველყოფის საბანკო გარანტია ჩამოერთმევა სრულად შემსყიდველის სასარგებლოდ;

17.6 საჯარიმო სანქციების გადახდა არ ათავისუფლებს ხელშეკრულების მხარეებს ძირითადი ვალდებულებების შესრულებისაგან.

18. ხელშეკრულების შეწყვეტა

18.1 ხელშეკრულების დამდეგი ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ.

18.2 ხელშეკრულების დამდეგი მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი.

18.3 შემსყიდველს შეუძლია მიიღოს გადაწყვეტილება ხელშეკრულების ცალმხრივად შეწყვეტის შესახებ შემდეგ შემთხვევაში:

ა) მიმწოდებლის მიერ ხელშეკრულებით ნაკისრი ვალდებულებების სამჯერ დარღვევის შემთხვევაში;

ბ) ხელშეკრულების გაფორმებიდან სამუშაოების დაწყების 10 (ათი) კალენდარული დღეზე მეტი ვადით გადაცილების შემთხვევაში;

გ) მიმწოდებლის მიერ სამუშაოების შესრულების ვადის 7 (შვიდი) კალენდარული დღეზე მეტი ვადით გადაცილების შემთხვევაში.

დ) ექსპერტიზის დასკვნის სამუშაოების შესრულების ბოლო ეტაპის მიღება-ჩაბარების აქტის გაფორმებიდან 30 კალენდარული დღის ვადაში წარმოუდგენლობის შემთხვევაში.

ე) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ვ) საქართველოს კანონმდებლობით გათვალისწინებულ სხვა შემთხვევაში;

18.4 ხელშეკრულების შეწყვეტა პირობების დარღვევის გამო არ ათავისუფლებს მიმწოდებელს ხელშეკრულების შეუსრულებლობისათვის გათვალისწინებული პასუხისმგებლობისაგან.

19. დაუძლეველი ძალა

19.1 მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეულ პასუხისმგებლობისგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ;

19.2 თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყონებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან;

19.3 მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

20. სადაო საკითხების გადაწყვეტა

20.1. შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

20.2 თუ ასეთი მოლაპარაკებების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს საერთო სასამართლოს შესაბამის ინსტანციას ან საქმე განსახილველად გადასცეს არბიტრაჟს.

21. გამოყენებული სამართალი

21.1. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

22. ხელშეკრულების ენა

22.1. ხელშეკრულება დანერგილ უნდა იქნეს ქართულ ენაზე.

23. შეტყობინება

23.1. ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ტელეფონის ან ელექტრონული ფოსტის გაგზავნის გზით იმ პირობით, რომ შეტყობინების ორიგინალი შემდგომში წარედგინება მეორე მხარეს უშუალოდ ან ხელშეკრულებაში მითითებულ მისამართზე საფოსტო გზავნილის გაგზავნის მეშვეობით.

23.2. შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

24. გადასახადები და დაბეგვრა

24.1 მიმწოდებელი პასუხს აგებს საქართველოს კანონმდებლობით დადგენილი გადასახადის, მოსაკრებლების და სხვა გადასახდელების გადახდაზე.

25. ხელშეკრულების მოქმედების ვადა

25.1. წინამდებარე ხელშეკრულება მოქმედებს და განისაზღვრება ხელშეკრულების დადებიდან 2018 წლის ----- ჩათვლით.

25.2 ხელშეკრულების მე-8 მუხლი ძალაშია საბოლოო მიღება ჩაბარების აქტის მხარეთა მიერ ხელმოწერიდან 3 (სამი) წლის განმავლობაში.

25.3 ხელშეკრულების მე-10 მუხლი ძალაშია საბოლოო მიღება ჩაბარების აქტის მხარეთა მიერ ხელმოწერიდან 1 (ერთი) წლის განმავლობაში.

25.4. ხელშეკრულება შედგენილია 4 (ოთხი) ეგზემპლიარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან. 1 (ერთი) პირი მიმწოდებელთან და 3 (სამი) პირი შემსყიდველთან.

შემსყიდველი

თვითმმართველი ერთეული

ბორჯომის მუნიციპალიტეტი

მისამართი: ბორჯომი, მესხეთის ქ.№5

საიდენტიფიკაციო კოდი 226161961

ფინანსთა სამინისტროს სახაზინო სამსახური,

სახაზინო კოდი 300629921, ბანკის კოდი TRESGE22

ხაზინის ერთიანი ანგარიში, სხვა შემოსულობები

ბორჯომის თემი

ბორჯომის მუნიციპალიტეტის მერი

----- ლ. ლიპარტია
ბ.ა.

მიმწოდებელი

შპს „-----“

მისამართი: ქ.-----, ----- ქ.#--

საიდენტიფიკაციო კოდი: -----

ს.ს. „-----“

ბანკის კოდი -----

ა/ანგ № GE-----

დირექტორი

ბ.ა.